

# Сургъульчнрт дегтр хулдлгън

Элст балгъсна школмудар сургъульчнрт дегтр хулдлгън му бишър кегддж йовна. Школ болгъна библиотекарьмуд умшачнр заагт эврәннь кӧдлмшән кен йовдж, Элстин магазинӧс дегтрмӱд авч, школин сургъульчнрт хулдна.

Сургъулин шин джилд сургъульчнрт кертӧ дегтрмӱд хулдлгън мана балгъсна школмудар эклӧд ик удан болад уга, — хойр дола хонв, тер бийнь эн цагин эргцд зӧвӧр олн дегтрмӱд хулдгддж одв.

2-ч номертӧ долан джилӧ школин библиотекарь Бабенко А. В. арвн хонгин эргцд 2314 арслнӧга дегтр хулдв, негдгч долан джилӧ школин библиотекарь Беглеева И. У. — 1350 арслнӧга дегтр, негдгч дундин школин библиотекарь Алексеева Н. С. — 2500 арслнӧга дегтр хулдв.

Болв Элст балгъсна наадк школмудар эн керт санснас ик хашнӧгар йовдж йовна. Ӱлгӱрлхд, хойрдгч дундин школин библиотекарь Сиротенко И. И. нам 900 арслнӧга дегтр хулддж, 5-ч долан джилӧ школин библиотекарь Лысенко

Р. М. терӱнӧс багъар — 481 арслнӧга дегтр хулддж.

Элст балгъсна школмудин тоод эн кӧдлмшиг тӧрӱц эклӧд уга школмуд бас бӧӧнӧ Вознесенск дундин школ, Буратинск долан джилӧ школ болн Хар булгин эклц школ сургъульчнр заагт дегтр тархадж хулдх биш, дегтрмӱдӧн Элстин магазинӧс ирдж авад чигн уга. Эн школмудин директормуд Рогочинский Г. (Вознесенск), Бадмаев А. Б. (Буратинск) болн Шургучиева Б. С. (Хар булг) ямаран ухата ода кӱртл дегтрмӱдӧн ирдж авл уга гертӧн тӧвшӱн сӱдгнь манд медгддж бӧӧхш. Эн школин залачнр иим самгъа юм гаргъад, ода кӱртл магазинӧс дегтрмӱдӧн авад угаднь Элстин ГорОНО эдниг засгла ода кӱртл эс харгъулдг, терӱнӧс ӱлӱгъӧр манд медгдхш.

Сургъульчнрт дегтрмӱд хулдх кертгиг ик даалгъврта кертгидж тоолад. сургъулин джил эклхӧс ӧмн магазинд ирсн дегтрмӱдиг школмуд болгъарн авч цаглань тархахмн.

БЕГЛЯН Гола